



Concello de FRADES

Cimadevila, 10
15686 - FRADES (A Conña)

Teléfono: 981 - 69 55 67 y 981 - 69 56 63 Fax: 981 - 69 55 79
E-Mail: correo@frades.dicoruna.es

"BASES DO CONCURSO DE DECORACIÓN DE VIVENDAS E NEGOCIOS POLO NADAL 2025".

EXPTE TEDEC: 2025/X999/000145

Exposición de motivos

Con motivo das festas de Nadal 2025, o Concello de Frades convoca o concurso "Decoración de vivendas e negocios polo Nadal", para fomentar no municipio o ornamento e embelecemento das vivendas e negocios con motivo das festa de Nadal para que sirva así de goce de residentes e visitantes e incentivando ó mesmo tempo a creatividade da veciñanza dando un ambiente artístico e tradicional e transmitindo o espírito festivo de Nadal

Primeira.- Obxectivo principal

O obxectivo principal deste concurso é a decoración, con iluminación e motivos de Nadal, das distintas fachadas, balcóns, fiestras e xardíns da vivendas do Concello de Frades.

Segunda.- Participantes/beneficiarios

Poderán participar no concurso e, por tanto, poderán ser beneficiarios nos termos establecidos nestas bases, os propietarios ou arrendatarios de vivendas ou negocios, maiores de idade, que estean dentro do termo municipal do Concello de Frades, no seu ámbito rural e urbano, e nas que as persoas participantes estean empadroadas.

Os/as participantes deberán cumprir as seguintes condicións:

- Estar o corrente coas súas obrigas tributarias coas seguintes administracións: Axencia Estatal da administración Tributaria de Galicia, coa Tesourería Xeral da Seguridade Social e co Concello de Frades no momento da concesión, salvo que o pago de devanditas débedas estivesen garantidas, de conformidade co disposto na Lei Reguladora de Facendas Locais.
- Non incorrer nalgunha das circunstancias que se determinan no artigo 13.2 e 13.3 da Lei 38/2023, do 17 de novembro, Xeral de Subvencións incapacitantes para obter a condición de beneficiario.
- Deben atoparse ao corrente de pago das obrigacións por reintegro de calquera subvención ou premio concedido con anterioridade por este Concello. Non poderán participar no concurso as persoas que formen parte do xurado, así como outra persoa que teña un parentesco en primeiro ou segundo grao con algún membro do xurado.

Terceira.- Condicións de participación

- Só poderá presentarse ao concurso un único proxecto por vivenda.
- As decoracións e adornos teñen que ser típicos de Nadal, así como a composición de elementos, a proposta de ornamentación das fachadas, entradas, fiestras, casas, árbores, etc. dos participantes.
- Os elementos decorativos situaranse sobre as fachadas, balcóns, fiestras e xardíns sen causar ningún tipo de perigo nin prexuízo para as persoas e os bens, e sen ocupar as vías de circulación.
- No é posible a ocupación de dominio público. Para elo deberá ter autorización co outorgamento de licenza.
- A zona elixida para ser decorada ten que ser totalmente visible dende a vía pública.
- Os participantes en calquera das modalidades serán os encargados e responsables da seguridade, montaxe, coidado, mantemento e recollida o finalizar as datas.



Concello de FRADES

Cimadevila, 10
15686 - FRADES (A Coruña)

Teléfs: 981 - 69 55 67 y 981 - 69 56 63 Fax: 981 - 69 55 79
E-Mail: correo@frades.dicoruna.es

- Queda totalmente prohibido o emprego de lume, fachos, velas ou calquera elemento pirotécnico na iluminación.
- No caso de que se producise algún tipo de dano do material que forma parte da decoración e iluminación durante o período de exposición, deberá ser substituído ou retirado, baixo a responsabilidade do particular que montou a decoración.
- Será motivo de descualificación que calquera concursante mostre na súa decoración calquera tipo de publicidade, slogan ou similar.
- As imaxes de decoración e iluminación dos participantes no presente concurso serán cedidas ao Concello de Frades co único obxecto de ser difundidas polo mesmo con fins de divulgación a través dos medios dixitais municipais.

Cuarta.- Inscripcións. Lugar e prazo.

Os interesados en participar no concurso de decoración poderán inscribirse dende o día seguinte ao da publicación do extracto destas bases no Boletín Oficial da Provincia da Coruña ata o 31 de decembro do 2025 inclusive, utilizando a solicitude xeral cuberta todos os campos e indicando que quere participar no "Concurso de decoración de vivendas polo Nadal 2025" e asinado, xunto co DNI do solicitante e o DNI do representante, de ser o caso.

Non se admitirán as solicitudes presentadas fóra do prazo sinalado no parágrafo anterior.

A solicitude xeral pódese descargar en www.frades.gal, na sede electrónica <https://sede.frades.gal/sxc/es/> dende a "Solicitude xeral" ou obtelo na Casa do Concello, Cimadevila nº10 15386 Frades.

Unha vez cuberta a solicitude, xunto coa documentación, poderase presentar a través da sede electrónica do Concello de Frades <https://sede.frades.gal/sxc/es/> dende solicitude xeral, no catálogo de trámites dispoñibles ou presencialmente no rexistro municipal.

Os participantes deberán enviar catro fotografías e/ou un vídeo que mostre a decoración realizada no domicilio ao enderezo electrónico biblioteca.municipal@frades.gal, facendo referencia aos datos do participante, antes do 31 de decembro do 2025 (incluído).

Quinta.- Procedemento de Concesión

Réxime de Concorrenza competitiva

Órgano competente para resolver o procedemento.- Será a Xunta de Goberno Local do Concello de Frades.

O procedemento de concesión dos premios resolverase nos 3 meses a contar dende a finalización de presentación de solicitudes e a falta de resolución, dentro deste prazo, terá carácter de desestimación.

Contra a resolución de concesión que se dite, que pon fin a vía administrativa, poderá interporse de xeito potestativo recurso de reposición ante a Alcaldía no prazo dun mes, ou ben directamente recurso contencioso administrativo ante o Xulgado do Contencioso Administrativo de A Coruña, no prazo de dous meses desde o día seguinte ao de publicación da mesma no taboleiro electrónico do Concello.

Sexta.- Obrigas e responsabilidades

Deberanse respectar as normas para a montaxe.

O solicitante deberá responsabilizarse do cumprimento das normas establecidas en canto á seguridade e medidas específicas sanitarias.

En todo caso, o Concello de Frades que exonerado das responsabilidades derivadas dos danos materiais, físicos ou de calquera outra natureza que se poidan producir a terceiros con motivo dos traballos de instalación, montaxe e desmonte.



Concello de FRADES

Cimadevila, 10
15686 - FRADES (A Coruña)

Teléfs: 981 - 69 55 67 y 981 - 69 56 63 Fax: 981 - 69 55 79
E-Mail: correo@frades.dicoruna.es

A inscrición no concurso implica a autorización a tomar fotografías e gravacións por medios audiovisuais as cales poden ser difundidas en publicación locais, rexionais ou nacionais. A participación no concurso supón a aceptación total destas bases. O incumprimento dalgunha das bases levará implícita a descualificación no Concurso. A interpretación das bases correspóndelle ao departamento de Cultura.

Sétima.- Tramitación anticipada

Esta convocatoria acóllese ao procedemento de tramitación anticipada, de acordo co artigo 56 do Real Decreto 887/2006, de 21 de xullo), polo que se aproba o Regulamento da Lei 38/2003, de 17 de novembro, Xeneral de Subvencións. O importe total máximo dos premios será de 300€ con cargo a aplicación orzamentaria 338 48100.

Octava.- Instrución do procedemento

O procedemento de instrución e resolución levarase a cabo no departamento de Cultura nos termos que regulan nos artigos 23 e 27 da Lei Xeral de subvencións.

Novena.- Criterios de valoración

O requisito imprescindible é que os adornos teñan iluminación, e representen adornos propios das festas de Nadal.

O xurado valorará aos participantes pola súa creatividade, en base aos criterios de composición e deseño, tendo en conta, ademais, a orixinalidade e a elaboración propia.

Do mesmo xeito, valorarase a utilización da iluminación como foco de atracción e o uso de materiais de refugallo.

As decoracións das vivendas serán valoradas por cada un dos membros do xurado cunha puntuación máxima de 10 puntos.

O fallo do xurado será inapelable e decidirá sobre calquera dúbida que se expoña.

Os premios poderán ser declarados desertos no caso de que o xurado considere que os participantes non alcancen un mínimo de calidade ou de que a cantidade de participantes sexa insuficiente para o desenvolvemento do concurso.

Décima.- Xurado

O xurado estará composto por tres membros que serán designados para tal fin polo Concello de Frades

Décimo primeira.- Categoría e premios

Establécese unha categoría:

- Categoría vivendas e negocios. Casas, apartamentos, pisos, áticos, fachadas, balcóns e exteriores.

Para esta categoría haberá tres premios:

- 1º premio: Cesta de produtos valorada en 150€
- 2º premio: Cesta de produtos valorada en 100€
- 3º premio: Cesta de produtos valorada en 50€

Total: 300€

Un mesmo participante non poderá obter máis dun premio.

Décimo segunda.- Publicidade

Estas bases publicaranse no Boletín Oficial da Provincia da Coruña, mediante o extracto remitido pola Base de Datos Nacional de Subvencións (BDNS) e na páxina web municipal do Concello de Frades. Todas as publicacións posteriores á publicación destas bases na páxina web municipal.



Concello de FRADES

Cimadevila, 10
15686 - FRADES (A Conña)

Teléfs: 981 - 69 55 67 y 981 - 69 56 63 Fax: 981 - 69 55 79
E-Mail: correo@frades.dicoruna.es

A resolución do procedemento publicarase no taboleiro de electrónico do Concello e se lle comunicará os/as gañadores/as a través de chamada ou correo electrónico.

Décimo terceira.- Aceptación das bases e autorización en canto á protección de datos.

A presentación da candidatura ao premio, implica a aceptación total destas bases. Os/as participante na convocatoria, ao presentaren directamente a súa candidatura ou ao aceptaren a presentación por parte de terceiros/as, autorizan ao Concello de Frades ao uso da imaxe e dos datos achegados para os efectos de publicidade deste premio.

O Concello de Frades reservarase o dereito a modificar estas bases, así como os diferentes premios establecidos.

De conformidade co Regulamento xeral de protección de datos 2016/679 do Parlamento Europeo do 27 de abril de 2016, e da Lei orgánica 3/2018, do 5 de decembro, de protección de datos persoais e garantía dos dereitos dixitais, os datos persoais obtidos serán incorporados a un ficheiro de responsabilidade do Concello de Frades cuxa finalidade é a xestión do presente premio.

Poderanse exercer os dereitos de acceso, rectificación, limitación do tratamento ou calquera outro establecido na normativa vixente mediante un escrito dirixido ao Concello de Frades.

Para os efectos da salvagarda do dereito de participantes na presente convocatoria á protección dos seus datos de carácter persoal, de conformidade coa regulación establecida polo Regulamento (UE) 2016/679 do Parlamento Europeo e do Consello sobre protección de datos de carácter persoal e pola Lei orgánica 3/2018, de 5 de decembro, de protección de datos persoais e garantidos dereitos dixitais, faise constar que os datos das subvencións concedidas quedarán incorporados ao rexistro público de subvencións, nos seguintes termos:

- En cumprimento do disposto no artigo 20.1 da Lei 38/2003, Xeral de Subvencións e demais normativa de desenvolvemento, os datos da subvención concedida e a identificación dos beneficiarios/as serán remitidas á intervención Xeral do Estado, para que sexan incorporados á Base de Datos Nacional de Subvencións, coa exclusiva finalidade prevista en dito precepto.

- Así mesmo, en cumprimento do disposto no artigo 16.3 da Lei 9/2007, de 13 de xuño, de Subvencións e Galicia, o Concello remitiralle a mesma información á Consellería de Economía e Facenda, co fin de que a incorpore ao Rexistro público de axudas, subvencións e convenios da Comunidade Autónoma de Galicia.

-

Décimo cuarta.- Órgano de control

Os beneficiarios/as dos premios concedidos polo Concello quedarán obrigados/as a someterse aos procedementos de controis ou auditoría que realicen polos seus propios medios ou a través de empresas colaboradoras a Intervención municipal, o Consello de Contas de Galicia, o Tribunal de Contas e calquera outros órganos de control interno ou externo, nacional ou europeo.

DISPOSICIÓN FINAL

Para o non previsto nesta convocatoria serán de aplicación as normas incluídas nas Bases de execución do orzamento xeral do Concello, na Lei 38/2003, xeral de subvencións e no seu Regulamento e na Lei 9/2007 de subvencións de Galicia

DILIXENCIA: Que estendo eu, a secretaria para facer constar que as presentes bases foron aprobada pola Xunta de Goberno Local de data 27 de novembro de 2025.

A secretaria, asinado dixitalmente,



Concello de FRADES

*Cimadevila, 10
15686 - FRADES (A Conña)*

*Teléfs: 981 - 69 55 67 y 981 - 69 56 63 Fax: 981 - 69 55 79
E-Mail: correo@frades.dicoruna.es*

M^a Lourdes Castro Pena